



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Thevpoli Bened. F. Patric. Veneti,
Academicarum Contemplationum Lib. X**

Piccolomini, Francesco

[Basel], 1590

VD16 ZV 12463

An Mundus ab aeterno emanauerit à Deo, opiniones aliorum. Cap. 10.

urn:nbn:de:hbz:466:1-12918

prouidentiam penitus non subterfugiunt: nā
si ad vniuersum prouidentię ordinem respici-
mus; nil est in vniuerso penitus ex euentu, nil
penitus à casu, vel à fortuna; sed omnia sunt
prouisa, atque praeuisa.

*An Mundus ab æterno emanauerit à Deo,
opiniones aliorum.*

CAP. IX.

DE Mundi ortu, & interitu variæ fue-
runt Philosophorum sententiæ: at
ego, cæteris prætermissis, solam Pla-
tonis opinionē explicaturus, assero
Mūdum Idealem, siue intelligibilem esse pro-
culdubio omni ex parte æternum: de Mundo
verò corporeo, non ita constare, quid Plato
fenserit, num scilicet putauerit ab æterno e-
manasse à Deo, vel potius in aliquo temporis
principio; ideo variæ Academicorum sunt
sententiæ. Proclus, Plotinus, Iamblichus,
Syrianus, Simplicius, Ioannes Picus, & aliij
quamplurimi inquiunt Platonē putasse Mun-
dum omni ex parte esse æternum; & Aristotelem
solum ab eo dissentire in verbis, in sen-
tentia verò conuenire. Quod si Plato in Ti-
mæo ponit Mundi generationem inquiens:
Vniuersum igitur hoc cœlum, siue Mundum,
siue quo alio vocabulo gaudet, cognomine-
mus: de quo primò consideremus, quod in
quæstione de vniuerso antè omnia inue-
stigari debet: Vtrumne semper fuerit sine
vlo

ullo generationis principio, an genitum sit ab aliquo principio sumens exordium: id profecto cernitur, tangiturque, & corpus habet; omnia vero huiusmodi sensus mouent; quae sensus mouent, opinione per sensus percipiuntur; hec vero talia esse constat, ut gignantur, & genita sint; quicquid autem gignitur, ab aliqua causa necessariò gigni asserimus. Opificem quidem, & patrem Mundi inuenire, difficile: & cum iam inuenieris, prædicare, & eloqui vulgo impossibile est. Quibus verbis Plato suam de Mundi ortu profert sententiam. Proclus, & alij nuper enumerati ea explicates, inquit, Platoneum per ea verba solum manifestasse differentiam inter corporea, & abiuncta à corpore: nam corporea, non vere sunt, sed fiunt; abiuncta vere sunt; propterea Plato tribuebat Mundo generationem: quia cernitur, tangitur, corpus habet, opinione percipitur: vel inquit, quod Plato per genitum denotat dependens; vel quod significat compositum ex initiis suis; vel demum quod denotat Mundū esse genitum ratione generis, quia corpori non repugnat generatio; ut nec talpæ videre, sub ratione animalis. Confirmant viri isti præclarí sententiam suam ex eo, quia Plato inquit, Bonus erat opifex, nulla vñquam aliqua de re tangitur inuidia: at opifex ab æterno est talis; quare ab æterno est Mundi opifex. Insuper addit Plato; Omnia sibi, quantum fieri poterat, simillima fieri voluit; at non esset Mundus o-

pifici similis, nisi esset æternus. Præterea declarans Plato, quomodo tempus suo respondeat, inquit; Illius animalis, (hoc est Mundi intelligibilis) æterna natura est; quod genito operi congruere omnino non potest. Iccircò imaginem æui mobilem effingere decreuit; ac dum Cœlum exornaret, fecit æternitatis in uinitate manentis æternam quandam in numero fluentem imaginem, quam nos tempus vocamus. & post pauca; Tempus vnâ cum cœlo factum est; & ad exemplar qui ideo factum est, ut mundus hic illi præstantiori, quoad potest, simillimus sit: ille enim Mundus, huius exemplar, omne per æuum est; hic verò perpetuò per omne tempus fuit, fitque solus, & erit. Si itaque tempus est imago æui; & si Mundus perpetuò per omne tempus fuit, & erit; sequitur, ut omni ex parte sit æternus. Insuper, quod Plato non loquatur de ortu Mundi in principio temporis; sed de eo, per quem dicimus semper fieri; confirmat Simplicius in i. de Cœlo; quoniam Plato, antequam dubitet de Mundi ortu, declarat terminos, inquiens: Principiò mihi ita distinguendum esse videtur, quid sit, quod semper est carens generatione; quid verò, quod gignitur quidem, neq; est vñquam: illud intellectu per rationis indagationē percipi potest, cùm semper sit idem; hoc opinione per irrationalem sensum attigi, cùm gignatur, & intereat, neque verè vñquam sit. Ex quo patet Platonicum non loqui de

de ortu in principio aliquo temporis, ut genitum distinguitur ab eo, quod tali principio caret: sed ut contradistinguitur ab eo, quod semper verè est. Sic in 10. de R. P. inquit Plato: Vita hominis ad uniuersum tempus nihil est. Et sub initium 3. de legibus ait: per infinitum tempus præfuisse homines, & annos esse innumerabiles. Mitto alia, quæ cumulatissimè à Proclo afferuntur, & referuntur à Philosopho in disputationibus contra Proclum. Qui sunt huius opinionis, inquiunt Mundum ab æterno pendere à Deo per simplicem emanationem: quæ, latè loquendo, dicitur generatio: per quam generans præcedit non tempore, sed origine, & natura: in qua significacione accipendum censem dictum Timœi Locri: Deus animam Mundi creauit suo corpore priorem, tum potestate, tum tempore, pariter dictum Platonis in Timœo: Ille vero, tam generatione, quam virtute, priorem, antiquiore inque Animam corpore constituit: vt potest, quæ obedienti corpori esset imperatura, ideo inquiunt Porphyrius, Proclus, Plotinus: quod tempus, & generatio, quibus Anima corpus antecedit, non est extrinsecum interuum: sed est successio quædam in Anima, quæ in ipsa formarum discursione antecedat origine Mundi motum. Quod ex eo colligunt, quia mundus semper fit: Anima vero minime, sed est modo aliquo. Confirmant, quia per Platonem tempus est genitum una

cū mundo: quare non potest Anima esse prior tempore Mundo. Auer. in 1. cœli, cōtextu 104. hoc concilium nouit, ideo inquit; Defendentes autem Platonem inquiunt, quod similitudo generationis Mundi ex suis elementis cum generatione figurarum ex lineis, ac superficiebus, posita à Platone, significat, quod Mundus semper fuit; & quod non intendebat Plato per hanc sermonem, nisi quod partes eius sunt priores natura toto; non quod fuerit verè genitus; & si hoc intēdebat, nihil differt ab Arist. Hæc Auer. Pari ratione, cūm Plato dicat Mundum esse solubilem; aiunt Mundum dici solubilem, nō quia sit verè genitus, & in se habeat principia interitus; sed quia continenter pendet à Deo; adeò ut, ea dependentia remota, desineret esse; veluti dicebat Arist. in 9. metaph. 17. Si non essent substatiæ abiunctæ, nihil esset: & Auer. in 2. cap. de substantia orbis inquit; Et debes scire, quod corpus cœlestis nō eget virtute mouente in loco semper tantum; sed largiente virtutem in se, & in sua substantia, permanentiam æternam, &c. hæc dicunt, qui Aristotelem cum Platone hac de re nuntiuntur reddere concordem.

Alia opinio de Mundi Dependentia à Deo.

CAP. XI.



Ristoteles, & cū eo Philoponus, Seuerus Atticus, Plutarchus, Alexáder, & alij quamplurimi tribuūt Platonis, quod